

APAKAH YANG ADA PADA RISALAH INI

Risalah ini menjawab soalan-soalan umum mengenai **Flusac**. Ia tidak mengandungi semua maklumat mengenai ubat ini. Risalah ini hanyalah sebagai rujukan, ia tidak menggantikan nasihat daripada doktor atau ahli farmasi. Sila baca dan fahami seluruh kandungan risalah ini sebelum anda mula mengambil ubat anda. Ubat ini adalah untuk anda, jangan memberikannya kepada orang lain walaupun mereka mempunyai simptom yang sama seperti anda. Jika anda mempunyai sebarang persoalan mengenai ubat ini, sila tanya doktor atau ahli farmasi anda. Simpan risalah ini, anda mungkin perlu membacanya lagi

1. APAKAH KEGUNAAN FLUSAC

Flusac digunakan untuk merawat:

- Kemurungan
- Masalah obsesif kompulsif (*obsessive compulsive disorder-OCD*).
- Masalah senggugut (*Premenstrual Dysphoria Disorders-PMDD*)

Rujuk kepada doktor anda sekiranya anda mempunyai sebarang persoalan mengenai sebab ubat ini diberikan kepada anda. Doktor anda mungkin memberikan ubat ini untuk sebab lain.

2. BAGAIMANA FLUSAC BERFUNGSI

Fluoxetine hydrochloride tergolong dalam kumpulan ubat yang dikenali sebagai *selective serotonin reuptake inhibitors* (SSRIs) yang berfungsi dengan mempengaruhi bahan kimia dalam otak yang dikenali sebagai amine yang bertanggungjawab dalam pengawalan emosi.

3. SEBELUM ANDA MENGAMBIL FLUSAC

Jangan mengambil ubat ini sekiranya

- Anda mempunyai alahan terhadap bahan aktif atau bahan lain dalam

formulasi ini atau ubat lain yang sama.

- Anda ada mengambil *monoamine oxidase inhibitors* (MAOIs), termasuk selegiline dan *reversible inhibitor of monoamine oxidase A* (RIMA) moclobemide atau baru sahaja berhenti mengambilnya dalam masa kurang daripada 2 minggu (MAOI) dan 5 minggu (RIMA) masing-masing.

Sekiranya anda tidak pasti samada anda perlu mengambil **Flusac**, rujuk kepada doktor anda.

Sebelum anda mula mengambil ubat ini Maklumkan kepada doktor anda sekiranya anda:

- mempunyai alahan terhadap sebarang ubat-ubatan, makanan, bahan pengawet atau pewarna
- mengalami atau pernah mengalami sebarang masalah kesihatan terutamanya:
 - masalah hati atau ginjal,
 - sawan,
 - sebarang masalah psikologi,
 - masalah jantung,
 - penyakit kencing manis
 - masalah pendarahan.
- Sedang hamil atau menyusu atau merancang untuk hamil.
- Senang menjalani rawatan Electroconvulsive Therapy (ECT).

Mengambil ubat lain

Maklumkan kepada doktor atau ahli farmasi anda sekiranya anda mengambil ubat lain, termasuk yang didapatkan tanpa preskripsi.

Keberkesanan ubat-ubat berikut mungkin dipengaruhi oleh **Flusac**, anda mungkin perlu mengubah dos anda atau mengambil ubat lain. Doktor dan ahli farmasi anda mempunyai lebih maklumat mengenai ubat-ubat yang boleh diambil atau perlu dielakkan semasa mengambil **Flusac**.

Maklumkan kepada doktor anda sekiranya anda mengambil:

- *monoamine oxidase inhibitors* seperti: selegiline
- ubat kemurungan lain seperti imipramine dan desipramine
- ubat untuk sawan atau epilepsi cth: carbamazepine dan phenytoin
- anti-psikotik, cth: clozapine, haloperidol dan zotepine
- benzodiazepines, cth: diazepam dan alprazolam
- tramadol untuk melegakan kesakitan
- sumatripan untuk migrain
- lithium, untuk gangguan bipolar
- tryptophan, sejenis asid amino
- flecanide, ecainide, untuk degupan jantung tidak tetap
- vinblastine, untuk rawatan kanser
- warfarin, untuk mencegah pembekuan darah
- alkohol
- St. John's Wort

Semasa mengandung dan menyusu

Sekiranya anda hamil semasa menggunakan ubat ini, dapatkan nasihat doktor anda dengan segera mengenai keselamatan penggunaan **Flusac** semasa hamil. Penggunaan **Flusac** semasa menyusu adalah tidak disarankan kerana fluoxetine mungkin akan hadir dalam susu ibu.

4. CARA MENGGUNAKAN FLUSAC

Ambil ubat anda seperti yang diarahkan oleh doktor anda.

Berapa banyak harus diambil:

Dos biasa adalah satu kapsul sehari diambil pada waktu pagi. Bergantung kepada keadaan anda, doktor anda mungkin memberikan dos yang lebih tinggi

Cara mengambil:

Telan ubat kapsul dengan segelas air

Bila perlu diambil:

Fluoxetine boleh diambil sebelum atau selepas makan. Anda dinasihatkan untuk mengambil ubat ini pada waktu pagi

Berapa lama perlu diambil

Ambil ubat ini selagi diarahkan oleh doktor anda. Kebanyakan ubat untuk kemurungan mengambil masa untuk melihat keberkesannya. Jangkamasa rawatan bergantung kepada masa diambil untuk simptom anda bertambah baik. Jangan berhenti mengambil *Flusac* dengan mendadak.

Jika terlupa mengambil

Jika anda lupa satu dos, ambil sejeurus anda teringat. Sekiranya hampir masa untuk dos seterusnya, anda bolehlah cuma mengambil dos seterusnya. Jangan sesekali mengambil dos berganda untuk menggantikan dos yang terlupa.

Sekiranya anda tidak pasti, tanya doktor atau ahli farmasi anda.

Jika mengambil berlebihan (terlebih dos)

Jika anda, atau sesiapa telah mengambil ubat ini secara berlebihan, anda hendaklah pergi ke Bahagian Rawatan Kecemasan Hospital terdekat atau maklumkan kepada doktor anda dengan segera. Ini perlu dilakukan walaupun tiada sebarang tanda ketidakselesaian atau keracunan. Bawa bersama bungkusan atau baki ubat biji yang selebihnya dengan anda.

Tanda-tanda terlebih dos termasuklah loya, muntah, sawan, rasa tidak tenteram dan teruja.

5. SEMASA MENGGUNAKAN FLUSAC

Things you must do

- Sekiranya anda akan mula mengambil ubat baru, ingatkan doktor anda yang anda sedang mengambil *Flusac*.
- Maklumkan kepada doktor, doktor gigi dan ahli farmasi bahawa anda sedang mengambil *Flusac*.

- Sekiranya anda akan menjalani pembedahan, maklumkan kepada pakar bedah atau pakar bius anda bahawa anda sedang mengambil *Flusac*. Ia mungkin mengganggu kesan ubat lain yang akan digunakan semasa pembedahan.
- Pastikan anda menjalani rawatan susulan untuk memeriksa perkembangan anda.
- Maklumkan kepada doktor anda sekiranya anda hamil semasa mengambil *Flusac*.

Perkara yang tidak boleh dilakukan

- Jangan berikan ubat ini kepada orang lain walaupun mereka mempunyai simptom-simptom yang sama dengan anda.
- Jangan berhenti mengambil ubat ini atau mengubah dos anda sebelum berbincang dengan doktor anda.

Perkara yang perlu diberi perhatian

- Berhati-hati semasa memandu atau mengendalikan mesin sebelum anda mengetahui kesan *Flusac* terhadap anda. Ubat ini mungkin mempengaruhi daya pertimbangan atau kemahiran anda. Jangan memandu, mengendalikan mesin atau melakukan aktiviti-aktiviti yang membahayakan. sehingga anda pasti mengenai keselamatannya.
- Sekiranya anda mengambil alkohol dan *Flusac* pada masa yang sama, kesan kepeningan dan mengantuk mungkin bertambah buruk.

6. KESAN-KESAN SAMPINGAN

Seperti ubat lain, *Flusac* boleh menyebabkan kesan sampingan, walaupun bukan semua orang akan mengalaminya. Kesan-kesan sampingan berikut mungkin berlaku:

- Menggigil atau demam
- Cirit-birit
- Loya, muntah
- Ketidakhadaman
- Hilang selera makan, perubahan deria rasa
- Mulut kering
- Tahap garam sodium rendah
- Rasa terganggu (*agitation*)

- Hilang ingatan untuk jangka masa pendek
- Gangguan tidur
- Perubahan personaliti
- Rasa sangat gembira
- Pening, mengantuk
- Sakit kepala
- Rasa letih, lemah
- Pergerakan tidak normal
- Rasa tidak tenteram
- Kerap atau sukar untuk membuang air kecil
- Masalah seksual
- Keguguran rambut
- Masalah penglihatan
- Sakit pada sendi atau otot
- Tekanan darah turun mendadak semasa menukar posisi dan mengakibatkan rasa pening atau pitam.

Maklumkan kepada doktor anda dengan segera sekiranya anda mendapati kesan-kesan berikut semasa mengambil ubat ini:

- Masalah alahan serious seperti ruam dan kegatalan, kebengkakkan pada muka, bibir, lidah, tangan dan kaki atau kesukaran untuk bernafas.
- Sawan atau episod serangan sawan bertambah
- Kesan psikologi seperti mania, kecenderungan untuk bunuh diri, halusinasi, gelisah dan kekeliruan.
- Berat badan berkurang
- Masalah pendarahan (senang lebam, tompok biru-ungu di bawah kulit)

Maklumkan kepada doktor atau ahli farmasi anda sekiranya terdapat sebarang kesan yang menyebabkan anda rasa tidak sihat. Kesan-kesan sampingan yang tidak disenaraikan mungkin akan berlaku pada sesetengah orang.

7. CARA PENYIMPANAN DAN PELUPUSAN FLUSAC

Cara penyimpanan

Simpan ubat dalam bungkusan asal. Simpan di tempat sejuk (bawah 30°C) dan kering. Jauhkan dari kepanasan, cahaya dan kelembapan yang berlebihan.

Jangan tinggalkan ubat anda di dalam kereta.

Jauhi daripada kanak-kanak.

Pelupusan

Ubat-ubatan tidak sepatutnya dibuang seperti biasa. Tanya doktor atau ahli farmasi untuk mengetahui cara pelupusan yang sepatutnya

8. MAKLUMAT LANJUT

Rupa, kandungan dan pembungkusan *Flusac*

Kapsul hijau bertanda “SPS” dalam ink hitam.

Bahan aktif: setiap kapsul mengandungi 22.36mg Fluoxetine hydrochloride (bersamaan dengan 20.0mg fluoxetine)

Bahan lain: sodium lauryl sulfate, sodium starch glycolate, methyl paraben, propyl paraben, colloidal silicon dioxide, croscarmellose sodium, lactose, cornstarch.

Pembungkusan: Blister strip dibungkus dalam 3x10, 10x10 dan 50x10 biji tablet sekotak

Nombor pendaftaran:

MAL06061672A

9. PEMEGANG PENDAFTARAN DAN PENGILANG

Dikilangkan oleh

SRIPRASIT PHARMA CO., LTD.
619 Charoenrat Road, Khlong San,
Bangkok 10600, Thailand

Pemegang pendaftaran produk

IMEKS Pharma Sdn. Bhd.
No. 1 & 2, Jalan 6/33B,
MWE Commercial Park,
52000 Kuala Lumpur, Malaysia

Tarikh kemaskini

Januari 2012